

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

V. Vtrum quolibet actu charitatis, charitas in hac vita augeatur &  
quomodo.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

pta, in eo potissimum laborat, vt superatis vitijs & prauis concupiscentijs, peccatis resistat, atque seipsum saluam tueatur. Proficiens autem eo maxime tendit, vt homo in virtute proficiat, & in charitate roboretur. Perfecta autem seu perfectorum charitas studet principaliter Deo inhærente, eoque frui. Ac similis quædam distinctio cernitur etiam tum in ætate hominis, tum in quo quis motu, vbi primum est recessus a termino a quo; secundum accessus ad terminum ad quem; tertium, quies in termino. Neque dubium, singulos gradus, cum in indiuisibilis non consistant, suam habere latitudinem, maioris cuiusdam, vel minoris perfectionis.

## DVBIVM V.

*Utrum quolibet actu charitatis  
charitas in hac vita augeatur,  
& quomodo.*

S. Thomas 2. 2. q. 24. a. 8.

134 **H**anc quæstionem iam in simili explicate tra-  
tauimus de gratia quæst. 6. dub. 8. quam  
proinde hoc loco paucis absolvemus. Nec vero  
est quæstio de actibus charitatis intensioribus  
habitu præexistente; sed de actibus minus, aut  
certe non magis intensis, quam sit habitus cha-  
ritatis præexistentis, de quare sunt tres vniuersim  
sententiae.

Prima sententia dicit, Omni quidem actu cha-  
ritatis æque aut magis intenso, quam sit habitus  
præexistentis, augeri charitatem: at si remissio  
sit, mereri quidem gloriam, non tamen ullum  
augmentum charitatis. Ita Durandus 1. dist. 17.  
quæst. 8. & fuit etiam quoad posteriorē partē  
olim sententia S. Thomæ 2. distinct. 27. quæst. 1.  
art. 5; item Alensis apud Arragonium hic art. 6.  
Idem videtur sentire Richardus 1. distinct. 17.  
art. 2. quæst. 3. nisi quod addit, probabile ef-  
fe, cum voluntas tot actus multiplicauerit ta-  
les, vt omnes simul æquiualeant yni actui in-  
tenso, tunc Deum in nobis augere charita-  
tem.

135 Secunda sententia dicit, Omnem quidem  
actum charitatis, etiam remissum de condigno  
promererī augmentum charitatis; illud tamen  
non semper statim recipiā conferri, nisi cum actus  
ille meritorius fuerit intensior, quam habitus  
præexistentis. Ita S. Thomas hic quæst. 24. a. 6. &  
in 1. 2. quæst. vlt. a. 8. ad 3. Scotus in 4. dist. 22.  
q. 1. Victoria relectione de augmento charitatis n.  
19. et si valde dubius. Conradus 1. 2. q. 114. a. 8.  
Caietanus, & Bannes hic a. 6. Valentia q. 2. pun.  
3. Azot tom. 1. lib. 9. c. 3. q. 7.

Differunt tamen hi auctores inter se multis  
modis. Quidam enim dicunt, hoc augmentum  
actibus remissis respondens, in hac quidem vi-  
ta conferri tantum, cum exercetur actus inten-  
sior habitus præexistente. Ita Sanctus Thomas  
hic, Scotus, Caietanus, Bannes locis citatis.  
Alij dicunt, sufficere aut intensorem, aut vnum

seu plures, in ratione meriti pares, aut superiores  
intensiore. Ita Victoria n. 14. & 29. & fere Valen-  
tia post Richardum, de quo supra.

136 Præterea in casu, quo aliquis in hac vita nun-  
quam eliciat actum talēm charitatis, qualis ne-  
cessarius est ad actuale charitatis augmentum  
acquirendum, nonnulli quidem dicunt, id  
a D e o conferri primum in altera vita, vt  
Scotus; Alij affirmant, nunquam dari, vt  
Conradus, Bannes; idque colligitur ex San-  
cto Thoma hic. Quam tamen sententiam rur-  
sum nonnulli recentiores mitigare volentes,  
addunt, alijs quidem; ipsum antiquum præ-  
mium iam alijs actibus debitum, superueniente  
eiusmodi actu remisso, conferri novo titulo:  
Alij vero aiunt, nullum quidem his actibus re-  
missis respondere nouum præmium essentialis  
gloriae; attamen augmentum gloriae accidenta-  
lis respondere.

Rursum nonnulli discrimen faciunt in propo-  
sito inter augmentum charitatis, & gratia. Hanc  
enim aiunt statim quolibet actu meritorio auge-  
ri, non illam, vt Victoria num. 12. cui Arrago-  
nius hic male addit Sotum lib. 1. de gratia cap.  
7. Alij inter gratiam & charitatem nihil in pro-  
posito distinguunt, vt ceteri.

137 Denique multi recentiores Thomistæ apud Ar-  
ragonum hic, & Zumel disp. 2. dicunt quidem,  
actu quolibet etiam remisso statim augeri gratia  
& charitatem inesse gratia & amicitia, sed non  
in esse qualitatis; adeoque secundum nullum esse  
intrinsecum, sed solum secundum extrinsecum  
quandam acceptationem Dei in ordine ad maio-  
rem gloriam. Fundamentum autem generale  
huius sententiae est, quod existimant, habitum  
charitatis augeri debere secundum modum atq;  
proportionem habitum acquisitorum, qui so-  
lum per actus intensiores augentur & intendur-  
tur, vt ipsi supponunt.

Nihilominus tercia sententia simpliciter &  
absolute assertit, quilibet actu charitatis quan-  
tumvis remisso, statim augeri charitatem, vt infra  
dicemus.

**A S S E R T I O I.** Omnis actus charitatis, quan-  
tumvis remisso meretur augmentum gratiae,  
charitatis, & gloriae, in homine iusto. Est com-  
munis, & adeo certa, vt Arragonius hic iudicet,  
contrarium esse plus quam temerarium, & à fide  
alienum. Zumel quoque loco citato disp. 2. di-  
cit, id absque magna temeritate defendi non pos-  
se. Probarur contra Durandum, tum ex vniuersali-  
bus scripturæ locis, in quibus, operibus bonis,  
principiis ex charitate factis, quâus minimis, sua  
apud Deum merces promittitur, & quidem ipsa  
vita æternâ, vt si quis potum aquæ frigidæ det in  
nomine Christi, vel discipuli, Matthæi 10. v. 24.  
Talia sunt etiam illa 2. Cor. 4. *Quod in presenti est  
momentaneum, & aeternum gloria pondus operatur in  
nobis.* Et 1. ad Cor. 15. v. 58. *Abundantes in om-  
ni opere Domini semper scientes, quod labor vester non est  
inanis in Domino.* Tum ex Concilio Tridentino sess.  
6. can. 32. vbi generatio dicitur: *Si quis dixerit ho-  
minem iustificari bene operibus, quæ ab eo per Dei orationem  
& IESV Christi meritorum, cuius viuu membrum est, sicut,*

nott

non vere mereri argumentum gratiae (eadem est ratio charitatis) vitam eternam, & ipsius vita eterna, si tamen in gratia decesserit, consecutionem, atque etiam glorie augmentum, anathema sit. Similia habentur cap. 14. quae certe generatim pronuntiata, sine causa restringuntur ad actus solos charitatis intensiores. Ratio est. Quia valor operis ad merendum non tam pendet ex quantitate operis, quam dignitate & affectu operantis.

**ASSERTIO I.** Hoc augmentum charitatis, respondens actibus intensioribus habitu praexistente, statim confertur. Est communis, & extra controversiam; quia commune est id omnibus actibus intensioribus, vt statim augeant habitus, a quibus eliciuntur, seu effectiue physice, si sint acquisiti; seu meritorie & dispositiue, si sint supernaturales, vt sit in proposito.

**ASSERTIO III.** Idem augmentum, etiam actibus remissis respondens, re ipsa & infallibiliter quandoque confertur ijs, qui in gratia usque ad finem perseverant, sive postea exerceant alatum aliquem intensiore, aut plures remissos ipsi equivalentes in ratione meriti, sive non. Est contra quosdam relatos pro secunda sententia, vt dictum, sed communis & certa Scotti, & aliorum, adeo vt Zumel loc. cit. disputat. 2. contrariam sententiam vocet *falsoam*, & valde periculosam; idque ex censura etiam ipsius Academiae Salmanticensis. Similia habet Arragonius hic. Probatur. Quia primum ex iustitia promeritum non potest denegari ijs, qui nullum impedimentum eius consequendi habent, citra iniustitiam seu infidelitatem, iuxta illud ad Hebreos 6. v. 10. *Non enim iniustus est Deus, ut obliuiscatur operis vestri.* Nec satisficeret in humanis iusticie, si cui nouum primum commerito, solum daretur antiquum, novo titulo. Idem colligitur ex Concilio Tridentino loc. cit.

**ASSERTIO IV.** Distinguere in proposito inter gratiam & charitatem, in esse qualitatibus, & in esse gratiae & amicitiae, vanum est. Ita præter alios infra citandos etiam Arragonius & Zumel locis citatis, contra recentiores illos supra citatos. Probatur. Quia iuxta legem ordinariam DEI haec non distinguuntur; sed eatenus ac in tantum gratia & charitas habent rationem gratiae & amicitiae apud D E V M, quatenus & in quantum sunt tales qualitates homini inherentes; cum homo de facto quidem sit gratus Deo, & amicus ipsius, per gratiam & charitatem inherenter, vt constat ex Concilio Tridentino sessione 6. canon 11. Ergo magis grati & amici non reddimur, nisi per maiorem, seu intensiorem gratiam & charitatem inherenter: sicut enim se habet simpliciter ad simpliciter, ita magis ad magis. Accedit, quod gloria essentialis quadam proportione responder ipsi entitati seu intentioni gratiae & charitatis.

**ASSERTIO V.** Nihil etiam in proposito distinguendum inter gratiam & charitatem. Ita

etiam Arragonius & Zumel locis citatis, & alii communiter. Quia gratia & charitas aut sunt eadem re ipsa qualitas, vt haber probabilis sententia Scotti, vel certe iuxta legem Dei ordinariam sibi inuicem commensurantur, vt in 1. 2. dictum, disputat. 6. questio 4. dub. 2. idque secundum ipsam virtusque tei naturam; quia gratum esse D E O, & eius amicum esse, se mutuo consequuntur, ita vt quantum quisque est gratus Deo, tantum sit eius amicus per charitatem, & contra.

**ASSERTIO VI.** Multo verius est, augmentum charitatis & gratiae cuius etiam remissio actu debitum, statim a Deo conferri. Ita Gabriel in 1. distincio. 17. questio 4. & in 2. d. 27. & in 4. d. 14. questio 3. dub. 3. Maior in 1. distincio. 22. questio 1. Almainus tract. 2. moral. capit. 11. Vega lib. 15. in Tridentinum cap. 19. Cor. dubensis libro 1. questio 9. dub. 2. & 3. Suarez opus, de reuulsientia meritorum disput. 1. sectione 3. n. 29. Arragonius hic articulo 6. Zumel 1. 2. quest. 1. 14. art. 8. disp. 3. licet in prima parte contrarium leniterit esse verius; & nunc iste Cordubensi & Victoria (qui & ipse eam sententiam probabilem censeret) communis recentiorum. Probatur. Tum quia nullum aliud comodum tempus potest assignari, sive in hac vita, in qua sepe nullus succedit actus intensior, vt dictum; nec in altera; in qua, veluti iam terminato viatoris statu, non est locus oportunus augenda charitati, loquendo de augmento, quod viatoris statui competit: tum quia id consentaneum est diuina bonitati, vt primum de condigno promeritum quam primum homini conferatur, ubi nullum est impedimentum ex parte subiecti, vel statutus.

**ASSERTIO VII.** Per actus tamen eiusmodi missos eti charitas non augetur effectiue, auggurante meritorie, & forte etiam dispositiue Ita communis; & speciatim Zumel loc. cit. quis est etiam conatur interpretari S. Thomam. Ratio est. Quia ex communis multorum sententia, nullus habitus effectiue vel dispositiue augeretur, nisi per actus intensiores; quamquam nec ab his effectiue augeretur habitus, qui per actus ipsos effectiue non producitur, vt supra dictum. Quia tamen probabile est, habitus naturales effectiue aut dispositiue augeri per actus etiam remissos, vt docuitur tom. 2. disp. 3. q. 1. dub. 1. idcirco probabiliter etiam dici potest, charitatē per actus remissos augeri non quidem effectiue, hoc enim habitibus supernaturalibus non conuenit, vt dictum etiam de gratia q. 4. dub. 1. & q. 6. dub. 8. sed dispositiue.

**ASSERTIO VIII.** Actus quilibet charitatis secundum totam latitudinem sua intensionis auger charitatem. Ita tradunt Zumel disputat. 4. Arragonius loc. cit. Suarez sect. 3. à n. 44. & videtur communis eorum, quos citauimus pro 6. assertione, ex qua etiam haec aperte sequitur. Nam si quilibet actus quamvis remissus, v. g. soli iudei ut vnū, auger charitatē: Ergo nullus erit gradus in aliquo actu quāvis minimus, quoniam item aliquo modo augeat charitatē, seu ad ipsius augmentum conferat. Idem de gratia dictum cit. dub. 8.

ASSERTIO

146

**ASSERTIO IX.** An vero actus charitatis eliciti, saltem qui in suo genere dignissimi sunt, secundum totam latitudinem suæ intensionis, ad æqualitatem augeant habitum charitatis, ita ut actus intensus v.g. vt quatuor, augeat habitum vt quatuor. &c. non constat; imperatos quidem certum est, per se loquendo, non ita augere, quamvis utriusque augeant charitatem secundum totam latitudinem meriti ad æqualitatem. Prima pars assertur à Suarez numero 45. & declaratur. Nam pars affirmativa suaderi potest, eo quod actus eiusmodi eliciti, videntur quoad præstantiam & dignitatem æquales esse habitui charitatis. Sed in contrarium, quod tuerunt Zumel & Aragonius, est. Tum quod actus illi non videntur esse æqualis perfectionis & dignitatis, salte cum gratia sanctificante; quæ tamen semper vna cum charitate pariter intenditur. Tum quod quantitas meriti non solum pendent ex intensione actus, sed etiam ex varijs alijs circumstantijs, v.g. dignitate operantis, duratione & difficultate operis. Quo fit, vt idem actus eodem modo intensus secundum diuersas eiusmodi circumstantias, habeat diuersum valorem meriti. Neque tamen admodum, probabile est, actum aliquem charitatis, quamvis ex circumstantijs eius bonitas & valor crescat, promereri maius augmentum gratiae & charitatis, quam sit tota præexistens eiusdem intensionis magnitudo. Quod si ita est, euidenter sequitur, actum aliquem secundum circumstantias inferiores, adeoq; minus meritorum in proportione, non posse augere charitatē, iuxta totam suæ latitudinis intensionem ad æqualitatem; præterquam quod saltem illo augmentatione euidenter probatur, impossibile esse, vt quouis actu charitatis, etiā elicito, ac in suo genere dignissimo, præcise ad æqualitatem intensionis augeatur charitas; ita ut augmentum charitatis nec sit maius, nec minus intensius, quam intensio ipsius actus. Esto probabiliter dici possit, nunquā esse minus, salte si actus ille, vt dictum est, sit in suo genere dignissimus, ut etiam sentit Suarez loc. cit.

148

Secunda pars assertionis est communis apud ciatos; & facile probatur. Quia ipsa dignitas actuū imperatorū à charitate per se non habet proportionem æqualitatis cum ipsa charitate, utpote quæ illis multo excellentior est.

Tertiam partem tradunt etiam Zumel, Aragonius, & Suarez loc. cit. Ratio patet. Quia siue valor meriti respondeat ad æqualitatem actus intensioni, siue non, semper tamen in qualibet actu intensione, spectari debet valor & proportio meriti ad premiū; cui proinde adæquare debet præmiū, ipsumq; adeo etiā charitati augmentū: ita ut si actus v. g. ratione sua intensionis, aliarumq; circumstantiarū, sit meritorius augmenti charitatis ut quatuor, augeat charitatem ad quatuor; si meritorius ut octo, augeat charitatem ut octo, & sic de ceteris. Neq; vero quoad hoc par ratio est huius augmenti, quod fit per modū meriti, cū eo, quod ab actu velut dispositiōe seu causa efficiēt physica causatur: hic enim ex probabili multorum sententia solū excessus actiuitatis, seu intensiōis; illuc ipse per se valor meriti absolute attenditur; vt

proinde nullum sit illud secundæ sententiæ fundatum supra relatum, Plura cit. tom. 2. d. 6. q. 6. dub. 8. & disp. 3. qu. 1. dub. 3. vbi declarauimus, quomodo augeantur habitus naturales.

## D V B I V M VI.

*An, & quomodo charitas posset diminui, vel amitti, siue corrumpti.*

S. Thomas 2. 2. q. 24. a. 10. 22. 22.

**Q** uod ad primū, nempe diminutionē charitatis attinet, sequentes assertions statuimus.

**ASSERTIO I.** Iuxta legem Dei ordinariam, charitas ab homine semel acquisita nullo modo potest diminui. Ita docet cum S. Thoma cit. q. 24. art. 10. communis Doctorum sententia ibidem, & in 1. dist. 17. contra obsoletam quandam sententiam Altisidorensis 3. parte tract. 5. cap. 5. & cuiusdam Parisiensis Doctoris apud Bannem, qui dixerunt, per peccata venialia minui charitatem quoad intensionem; quod etiam probabile censuit Victoria relectione de augmentatione charitatis part. 2. Sed eam sententiam merito ut falsam, & plane improbabilem, ac fere temerariam rejecunt Bannes, Valentia, & alij, vt dictum etiam tom. 2. disp. 4. q. 5. dub. 2. & q. 10. dub. 2.

Probatur assertio. Quia vel minui posset charitas ex parte obiecti, seu quoad extensionem in ordine ad sua obiecta; & hoc non: Cum quilibet etiam minima charitas extendat se ad omnia obiecta charitatis, ob unitatem rationis formalis obiectus, vt supra dictum dubio 1. vel ex parte subiecti, seu quoad intentionem: Sed nec hoc dici potest. Quia nulla huius diminutionis causa potest assignari: Non Deus per se, vt qui non subtrahit homini gratiam, aliaque eiusmodi bona supernaturalia gratia habitualis ad sanctificationem hominis spectantia, nisi per modū penitentie supponentis peccatum: Non ipsa etiam nuda per se omissione solum corruptur (per accidens) habitus acquisisti, qui vt in fieri pendent ab actibus; ita etiam in conseruari: Nec denique peccatum; aut enim mortale est, & tunc charitatem ipsa penitus destruit, vt dicetur dubitationis parte secunda. Aut veniale; & hoc charitatē nō potest diminuere: Nec meritorie, quia qui delinquit in minori, non debet puniri in majori, vt inquit S. Thomas: Nec effectu, cum non aduersetur charitati; nec ex parte obiecti ipsius, seu ratione specifica essentia, auertendo scilicet hominem à Deo; alioqui quilibet veniali destrueretur tota charitas: Nec ratione intensionis, cum quolibet peccatum veniale possit esse cum quavis intensione charitatis, vt notum est, & omnes fatentur. Accedit, quod si vnum peccatum veniale auferat vnum v.g. gradum charitatis, duo auferent duos, tria tres, & sic deinceps; adeoq; saepius multiplicata, tandem auferent totam charitatem; quod est erroneum.

Neq; vero dici potest primo; hanc diminutionem fieri secundum partes proportionales, quæ sunt diuisibilis in infinitum: Sic enim inter-

149

150

151

152